



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

## **Theologia Moralis**

Antehac ex probatis Auctoribus breviter concinnata

**Busenbaum, Hermann**

**Coloniæ Agrippinæ, 1707**

Articuli 45. Joannis VVicleff damnati anno 1418. in Conc. Constantiensi,  
Sess. 45. Tom. 29. Concil. Regiorum pag. 617.

**urn:nbn:de:hbz:466:1-42634**

Articuli 45. Joannis VVicleff damnati anno 10  
1418. in Conc. Constantiensi, Sess. 45.  
Tom. 29. Concil. Regiorum pag. 617.

1. Substantia panis materialis, & similiter substantia vini materialis remanent in Sacramento Altaris.
2. Accidentia panis non manent sine subiecto in eodem Sacramento.
3. Christus non est in eodem Sacramento identice & realiter in propria praesentia corporali.
4. Si Episcopus vel Sacerdos existat in peccato mortali, non ordinat, non consecrat, non conficit, non baptizat.
5. Non est fundatum in Evangelio, quod Christus Missam ordinaverit.
6. Deus debet obedire diabolo.
7. Si homo fuerit debitè contritus, omnis confessio exterior est sibi superflua & inutilis.
8. Si Papa sit præscitus & malus, & per consequens membrum diaboli, non habet potestatem super fideles sibi ab aliquo datam, nisi forte à Cæsare.
9. Post Urbanum VI. non est aliquis recipiens in Papam, sed vivendum est more Græcorum sub legibus propriis.
10. Contra Scripturam S. est, quod viri Ecclesiastici habeant possessiones.
11. Nullus Prælatus debet aliquem excommunicare, nisi priùs sciat eum excommunicatum à Deo: & qui sic excommunicat, fit ex hoc hæreticus vel excommunicatus.
12. Prælatus excommunicans Clericum, qui appellavit ad Regem vel ad Concilium Regni, eo ipso traditor est Regis & Regni.
13. Illi, qui dimittunt prædicare sive audire verbum

8 *Articuli VVicelleff.*

verbum Dei propter excommunicationem hominum, sunt excommunicati, & in Dei judicio traditores Christi habebuntur.

14. Licet alicui Diacono vel Presbytero prædicare verbum Dei absque auctoritate Sedis Apostolicæ sive Episcopi Catholici.

15. Nullus est Dominus civilis, nullus est Prælatus, nullus est Episcopus, dum est in peccato mortali.

16. Domini temporales possunt ad arbitrium suum auferre bona temporalia ab Ecclesia, possessionatis habitualiter delinquentibus, id est, ex habitu, non solùm actu delinquentibus.

17. Populares possunt ad suum arbitrium dominos delinquentes corrigere.

18. Decimæ sunt puræ eleemosynæ, & possunt Parochiani propter peccata suorum Prælatorum ad libitum suum eas auferre.

19. Speciales Orationes applicatæ uni personæ per Prælatos vel Religiosos, non plùs profundit eidem, quàm generales, ceteris paribus.

20. Conferens eleemosynam Fratribus est excommunicatus eo facto.

21. Si aliquis ingreditur Religionem privatam qualemcumque, tam possessionatorum quàm Mendicantium, redditur ineptior & inhabilior ad observationem mandatorum Dei.

22. Sancti instituentes Religiones privatas, sic instituendo peccaverunt.

23. Religiosi viventes in Religionibus privatis non sunt de Religione Christiana.

24. Fratres tenentur per laborem manuum vi-  
tium acquirere, & non per mendicitatem.

25. Omnes sunt simoniaci, qui se obligant orare pro aliis, eis in temporalibus subvenientibus.

26. Oratio præsciti nulli valet.

*Articuli VVicleff.*

9

27. Omnia de necessitate absoluta eveniunt.
28. Confirmatio juvenum, Clericorum Ordinatio, locorum Consecratio reservantur Papæ & Episcopis propter cupiditatem lucri temporalis & honoris.
29. Universitates, studia, Collegia, Graduates & Magisteria in eisdem sunt vanâ gentilitate introducta, & tantum profundunt Ecclesiaz sicut diabolus.
30. Excommunicatio Papæ vel cuiuscumque Praelati non est timenda, quia est censura Anti-Christi.
31. Peccant fundantes Claustra; & ingredientes sunt viri diabolici.
32. Ditare Clerum est contra Regulam Christi.
33. Silvester Papa & Constantinus Imperator errarunt Ecclesiam dotando.
34. Omnes de ordine Mendicantium sunt hæretici, & dantes eis eleemosynas sunt excommunicati.
35. Ingredientes Religionem aut aliquem Ordinem eoipso inhabiles sunt ad observanda divina præcepta, & per consequens ad perveniendum ad regnum cœlorum, nisi apostataverint ab eisdem.
36. Papa cum omnibus Clericis suis possessionem habentibus sunt hæretici, et quod possessiones habent: & consentientes eis, omnes videlicet Domini sæculares & cæteri laici.
37. Ecclesia Romana est Synagoga Satanæ, nec Papa est proximus & immediatus Vicarius Christi & Apostolorum.
38. Decretales Epistolæ sunt apocryphæ & seducunt à fide Christi; & Clerici sunt stulti, qui student eas.
39. Imperator & Domini sæculares sunt seducti à diabolo, ut Ecclesiam dorarent bonis temporalibus.
40. Electio Papæ à Cardinalibus, à diabolo est introducta.

41. Non est de necessitate salutis credere Romanam Ecclesiam esse supremam inter alias Ecclesiás.

42. Fatuum est credere Indulgentiis Papæ & Episcoporum.

43. Juramenta illicita sunt, quæ fiunt ad corroborandos humanos contractus & commercia civilia.

44. Augustinus, Benedictus & Bernardus damnati sunt, nisi pœnituerint de hoc, quod habuerunt possessiones, & instituerunt & intraverunt Religiones: & sic à Papa usque ad ultimum Religiosum omnes sunt hæretici.

45. Omnes Religiones indifferenter introductæ sunt à diabolo.

*Alphonsij de Castro do hinc alias iis subjungit*  
61 *Articuli 30. Ioannis Hus, damnati anno 1418.*

*in Concil. Constantiensi Ses. 45.*

*Tom. 29. Concil. Regiorum pag. 620.*

1. **U**nica est sancta universalis Ecclesia, quæ est prædestinatōrum universitas.

2. Paulus nunquam fuit membrum diaboli, licet fecit quosdam actus actibus Ecclesiæ malignum consimiles.

3. Præsciti non sunt partes Ecclesiæ, cùm nulla pars ejus finaliter excidet ab ea, eò quod prædestinationis charitas, quæ ipsam ligat, non excidet.

4. Duæ naturæ, Divinitas & humanitas, sunt unus Christus.

5. Præscitus, et si aliquando est in gratia secundum præsentem justitiam, tamen nunquam est pars S. Ecclesiæ: & prædestinatus semper manet membrum Ecclesiæ, licet aliquando excidat à gratia adventitia, sed non à gratia prædestinationis.

6. Sumendo Ecclesiam pro convocatione præstinatorum